



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Parnassus Catholicus Sive Succincta Quorundam inter
Religiones modernas discrepantium Dogmatum Poëtica
enodatio**

Mertz, Johann Wilhelm

Viennae Austriae, 1679

12. De Primatu Pontificis.

urn:nbn:de:hbz:466:1-9862

QUÆSTIO DUODECIMA.
DE PRIMATU SUMMI
PONTIFICIS.

Sed de Primatu, dices, quid dicis Amice?

Sententia Ac-
catholicon.
Matth. 23.

Anne hunc instituit, constituitque Deus?

Unicus est, inquit, nolite errare, Magister

Ioann. 10.

Qui solus pascit, solus ovile regit.

Vos autem non sic, sed qui vult primus haberi,

Luc. 2.

Christus ait, servus sit veluti minimus.

Gentibus & Populis Reges dominantur & orbi

I. Pet. 5.

Vestrum est errantes pascere, non regere,

Nec recte Dominos quis dixerit esse Ministros,

Nec Rex, sed servus, Christus & ipse fuit.

Sed neque Petrus erat, qualem nunc esse videmus;

Qui successorem se vocat inde Petri.

Nec licuit quondam Romanum dicere primum

Pontificem, cum sit Praesbyter ut reliqui.

Resputit & vetuit pariter Gregorius olim,

Lib. 4. Epist.
30. 34.

Inflatum titulum Principis & Domini.

Sic quoque Concilium statuit Carthaginie quondam

Pro Prima-
tu Pontifi-
cis.

Indictum, ut tantum praefideat Latio.

Ast miror nugas, vanasque subinde loquelas,

Si tantum est unus Doctor, ut esse volunt;

Quomodo Doctores tot sunt, & ubique Magistri?

Turba Ministrorum quid facit ampla, rogo?

Quomodo si primus non est, prescribitur ipsis

A Christo, vitæ regula certa suæ?

Qui

Qui vult , Christus ait , vos inter primus haberi ,
 (Primus ait) servus sit veluti minimus.

Matt. 10. Est ergò primus , Christo si credere mavis ,
 Hunc autem primum prædicat esse Petrum ,
 Qui quoque Primatum sàt abundè ostendit ubique ,
 Semper enim Petrus primus ubique fuit.

Matth. 16. Primus confessus , primus super æquaora , primus
17. 28. Ingressus tumulum , primus apud Dominum .
Act. 15. Primus post Christum loquitur , miracula primus
 Edit , Concilij primus Apostolici .
 Et quicquid reliqui pariter fecere Sodales ,
 Semper primus erat Petrus : Is ergò caput .
 Si Petrus est primus , meritò quoque primus habetur
 Successor Petri , forma Ministerij .
 Non tamen idcirco servus vel Præsbyter ipse ,
 Vel quoque forma gregis desinet esse sui .

Matth. 13. Formam præscribit Christus , Petrusque regendi ,
1. Pet. 5. Ne veluti Reges sintque regantque truces ;

Matth. 27. Sed formam Christi teneant , qui quamlibet esset
 Rex , primus , summus , maximus , immò Deus :
 Non tamen ut Reges voluit dominarier orbi ,
 Sed Reges verbo pascere & instruere ,
 Si tamen obsistant fidei . summoque Ministro ,
 Subiicitur gladio Rex etiam ipse , sacro .

Deut. 17. Nam qui Pontificis jussis parere recusat ,
Galat. 5. Christus ait , gladio Judicis intereat .
 Implicat haud igitur Dominum simùl esse Ministrum ,
 Regem & Pontificem : Christus utrumque fuit .
 Christus utrumque dedit , sed certâ lege , Ministris ,
 Ut sint pastores , forma , gregisque duces .

Talis

Talis Dux, Pastor, Princeps, Rex, atque Minister
 Christus erat, pavit, rexit itemque gregem;
 Sed non ut Reges alij, mundique Monarchæ:
 Præcipuum Regimen spirituale fuit.

Sic non fecerunt, sed agnovere priores
 Primatum Reges, Pontificemque caput.
 Esse sed à Christo quia cognovere, Deoque,
 Ut nōssent alij, constituere pij.
 Hinc ipsos multis & honoribus, urbibus, agris

Auxerunt, titulos atque dedere novos.

Quòd verò titulos Gregorius ipse superbos
 Respuit, exemplum spirituale dedit.

Primatum sed enim & curam totius oivilis,
 Quomodò si tenuit, respuit aut vetuit?

Sic Christus summus quamvis Rex atque Minister
 Eset, & omnipotens, respuit at titulos.

Denique si multos agnoscis ubique Ministros,
 Hos inter, nullus quomodò primus erit?

An non hos inter, primum vocat ipse jubetque
 Christus, ut & servus sit veluti minimus?

An superintendens non est fortasse Minister?
 Quamvis sit primus, Papaque summus item?

Summum non Regem, sed summum quærimus orbis
 Pontificem Christi, qui regat ejus oves.

Sed tamen in rebus fidei qui præsit, ut ille
 In rebus Regni, sed vice uterque DEI.

Et velut in terris Christus non indiget ullo
 Rege, tamen Regem, Rex licet ipse, tenet.

Constanti-
nus Phocas
Mauritius.

Greg. lib. 4.

*Epiſt. ad
Mauritium.*

2. Paral. 19.

Sic quoque Pontificem ; quamvis sit ritè Sacerdos,
 Summus & Antistes, solus & ipse caput.
 Pastor Pastorum Christus regit omnia , pascit
 Omnia , sed medijs dirigit illa suis.
 Rex Dominus, Princeps, summum caput atque Magister,
 Non operâ ullius , nec vice prorsus egens.
 Et tamen hos omnes vult esse locumque vicemque
 Ordine disposito , quemque tenere sui.
 Ex quibus ut cernis , nullus præjudicat ipsi ,
 Omnes pro Domino stantque reguntque suo.
 Nec video quidnam quicunque Vicarius ipsi
 Præripiat Domino , quin manifestat eum ?
 Concilij objecti nugas ne credito , facta ,
 Si rectè inspicias , omnia repperies.

F I N I S.

